

CECAWI SAWAI
Crow-billed Drongo

FAMILI: Dicruridae
NAMA SAINTIFIK: *Dicrurus annectans*

CIRI-CIRI

Individu jantan dewasa spesies ini kelihatan hampir sama seperti Cecawi Rajawali, *D. macrocerus*, tetapi badan lebih bulat, ekor lebih pendek secara relatif, cabang ekor lebih cetek dan hujung ekornya bergulung. Paruhnya lebih panjang dengan dasar lebih lebar. Keseluruhan bulu kecuali kepala berwarna biru kehijauan berkilat, dengan mata coklat kemerahan. Individu juvenil lebih coklat berbanding dewasa. Individu juvenil tahun pertama sama seperti dewasa tetapi mempunyai bintik putih atau sisik pada bahagian bawah badan kecuali tekak. Mata berwarna coklat. Bintik putih pada dada yang jelas, menenggelamkan warna hitam. Panjang keseluruhan bagi individu dewasa ialah 27-32 sm.

MAKANAN

Diet utamanya terdiri daripada serangga bersaiz besar dan nektar. Kadangkala, ianya juga memakan burung kecil, reptilia dan mamalia.

HABITAT

Habitat yang sesuai bagi spesies ini ialah di hutan dipterokarp, hutan daun luruh, hutan bakau, hutan persisiran, ladang dan hutan sekunder sehingga ke ketinggian 1,220 m dari aras laut.

BUNYI

Spesies ini mengeluarkan pelbagai bunyi siulan yang kuat, termasuklah *hee'weeiit* dan *heeer-wu-wit-it* yang nyaring dan semakin tinggi, diselang dengan bunyi kasar dan garau.

PEMBIAKAN

Musim pembiakan bagi spesies ini adalah di antara bulan Mac hingga Ogos. Individu betina boleh menghasilkan 3-4 biji telur berwarna krim pudar hingga kuning pucat, dengan jalur coklat kemerahan atau coklat-ungu (jalur semakin padat ke arah hujung yang lebih lebar). Sarangnya berbentuk seperti cawan yang cetek, tergantung pada dahan, 5-12 m dari tanah.

STATUS

Akta 76/72, dipelihara sepenuhnya.